

(24)

Appellatio ad Fratres Exteros,

In qâ Controversiâ status inter Hierar-
chicos & *Nonconformes Anglicanos*, verissimè & absq
offuciis qibuslibet, proponitur. *Nonconformes*

Plurimorum *J. Christi Ministrorum* hortatu
atq; desiderio scripsit, emisitq;

Christianus Catholicus.

Amem ego viros approbaturus Cæremonias nostras, sed
nihil approbem illas amatuos. Anglicè, in verbis ip-
sissimis; "*I can Love men that Like our Ceremonies*
"*but I cannot Like men that Love them.*

USSER. Archiepisc. ὁ πᾶν, responsurus Londina-
cuidam roganti, qid esset qod *Medullis* de Cære-
moniis senserit.

Spes est fore aliquando ut Dominus homines arguat hujus Verita-
tis; Unionem Ecclesiarum magis consistere in unitate Fidei &
Voluntatum, qàm in uniformitate Rituum & Cæremoniarum
qarum Fides est dubia.

STILLINGFLEET Cl. in Irenic.

Certus sum abhorrere à praxi primavâ, & moderatione tunc Adhi-
bitâ, qemqam sua functione Ministerjali vel ad tempus, vel in
perpetuum abdicare, eo tantum nomine, qod in Vestibus, Ritibus
& rebus ejusmodi non se conformem cæteris præstet. *Idem ibid.*

Typis S. N. Impensis L S. Anno Dom. 1690.

Appellatio de Erroribus Externis

de Appellationibus hinc igitur
et de Erroribus Externis, veniunt de
officiis et iudiciis proponitur.

In fine etiam de iudiciis
et de iudiciis hinc igitur

de Appellationibus

de Appellationibus hinc igitur
et de Erroribus Externis, veniunt de
officiis et iudiciis proponitur.

In fine etiam de iudiciis
et de iudiciis hinc igitur

de Appellationibus hinc igitur
et de Erroribus Externis, veniunt de
officiis et iudiciis proponitur.

In fine etiam de iudiciis
et de iudiciis hinc igitur

de Appellationibus hinc igitur
et de Erroribus Externis, veniunt de
officiis et iudiciis proponitur.

Reverendis Archiepiscopis, Episcopis, & Clero
Ecclesiæ (ut loquuntur) Anglicanæ universo, S.d.

Quandoquidem *Appellatio* nostra, Viri colendi,
Dominationes vestras spectat, & Vos *pro libitu*
in illam introspicere par est; nos eam *Vobis*
ingenue commendatam exhibemus.

Non obstantè, quod nihil responsi *Expetimus*, sci
ficientes non esse quod ad rem reponi poterit; quin
nec *Expectamus*, cum Argumenta nostra jamdudum
Anglicè loquentia, prorsus insalutata præterire *Reve*
rentiis vestris placuerit.

Unicum est igitur de quo monendos esse hic loci,
duximus. *Perdolendum* equidem unum; & quod *me*
minisse horret animus unusquisq; haud GRATIA simul
exulans & VIRTUTE. Attamen rebus Christianæ
Religionis sic stantibus, seu potius, per dissidia à Vobis
propagata, *ruentibus*, tacendum minimè, sed in hanc
lucem proferendum.

Bonis plerisque omnibus increbuit sententia, aut pau
lulum aut planè nequicquam deberi Lites & Simultates
Nostras, strigosæ isti, quæ tantoperè obtenditur, Cau
sæ. Nimirum *diversissimo de Disciplinâ & Ceremo*
niis

nis animo; de quibus incruenter satis, & vel amicissime
dissentire jam tandem didicerunt Probi, utrinque quilibet.
Cæterum, nota loquimur; è *Variniano Pietatis odio*,
inter Vos & vestrum Seqaces grassantissimo, proficisci per-
hibent. Odio, omnibus ob oculos posito, atque a Vo-
bis, uterque aliquam multis diu multumque, deplorato.

Interesse vobis egregia *Pietatis exemplaria*, nos
adeo non inficiamur, ut quàm *verecunde* tam *letanter*
agnoscimus; nec aliquando (quod absit) dissimula-
mus. Veruntamen, (quod cum omnium pace dictum
volumus, & cum bonorum venia credimus,) elo-
quendum est;

Quoad Sanctitatem, *Nonconformes* longo interval-
lo post se relinquire *Hierarchiam* vestram, omnibus
in ore est. Omnibus ferè cordatis, à parte vestra, non
secus ac nostra, stantibus. Nos *S. Verbi Ministros*,
Dei quæ *Dei* sunt, & *Cæsari* quæ *Cæsaris*, reddere; atque
otium, ingenium, operam, & quidem oleum omne no-
strum, in animabus *Christo* Lucrificandis impendere,
uno ore pronuntiant. *Populum nostrum*, indies *S. Scriptu-
ram* legere, *S. Preces* una cum domesticis Deo effundere,
eosque singulos in Fide & Obsequio *S. Evangelii* erudire,
facem *Virtutis* & *Pietatis* vicinis præferre; ubique loco-
rum edicunt. Quamquam oblatrant utrisque immaniter, per-
frictæ frontis hominum vappæ, & facies humani generis
miserandæ. Homunculi, qui, perinde *Conformem* quemque;
sanctiorem & *Nonconformem*, odio prosequuntur, dirisque
vovent assuetissimis.

Interea cum *Clerum* tum *Plebem Hierarchicam*, partem
longè.

longè maximam iidem conqueruntur, in *Lusu, Crapula, Ebrietate, Dejectionibus continuis, & nullis non vitiis* diffluere. Præsertim in nefarius suspiciendæ *Pietatis erroribus*, fannis, & dicteriis impotentibus. Quid quidem non loquuntur solum, verum etiam personant propalam viri numero plurimi, *coribus vestris ab unguiculis immutriti & etiamnum additissimi*. Sed, ne nimii simus;

Hinc fieri non posse autumant, ut in unum corpus antè coalescamus, qam immutat corda tot nequam Sanctitatis & Pacis Parens: facitq; ut *Pars regens vestra, & Duces gregis, cœlestia sapiscant; summum bonum in Deo amando collocent; studio Religionis Christianæ se addicant; & praxi illius succumbant, aculeis conscientiae internis confossi*. *Theatrica tantum Pietatis & nequissimæ vitæ mancipia*, cum iis comiter cohærere, qos vivus vividusq; possidet *cœlestium Sensus ac Amplexus*, nefas esse arbitrantur; & ne incasum præstolemur, nos commonent identidem.

Qamobrem ad *Preces & Lachrymas*, triarios insuperabiles, ventum est. *Fratrum exterorum suffragia* quidem si obtinuerimus, isto laboris tantilli hujus *successu* gaudebimus. Sin minus, solatio erit pii propositi *conscientia*. Utcumq; res ceciderit, *Deum immortalem* rogabimus jugiter, ut unumquemq; inter Vos *Pium & Pietatis promovendæ cupidum*, nulla non complectatur salus. Et, ad cæteros quod attinet; precabimur, ut *diei illius in quo reddenda est gestorum ratio*, recordemini haud perperam & *pœnitentiam* agatis *παντῶν περὶ σκληρῶν non pœnitendam*.

Faxit utrumq; *Pater cœlestis*, in quem Nos *Nostrâq;*
omnia

omnia conjicimus, animas in patientiâ possidentes! Sa-
crofancta Majestati suæ gratæsq; laudæsq; accinimus,
ob restitutionem in servitute aliquantulam, non ita pridem
concessam. Benedictus sit Jehova Deus majorum nostro-
rum, q̃i indidit rem talem Regis animo, Senatûsq; ad or-
nandam Jehovæ domum in Brittanniâ nostrâ. Ipse ex
irâ hominum, (q̃ammaximè Ennosigæâ, & vel Ecclesiæ
maleficâ,) conciliabit sibi laudem; q̃odq; reliquum est iræ,
nutu cohibebit tempestivo.

Ut servus observat Domini manus,
Gestus & omnes, Lumine mobili;

Arguta ceu nutus acutis

Serva oculis Domina tuetur;

TE nostra spectant, TE, Domine & Deus,

Intenta mentis Lumina; dum graves

Iras remittas, servulîsq;

Des Veniam, bonus, atq; Pacem!

Olenis, in nos respice: servulis

Jam parce tandem; parce FIDELIBUS;

Qos hostis INSULTANS superbo,

Ludificatq; premitq; vultu!

Amen.

Reverendis

*Reverendis in Jesu Domino Fratribus & Con-
servis dilectissimis; S. Evangelii Ministris
transmarinis ubiubi agentibus; cum Refor-
matis (ut loquuntur) tum Lutheranis insi-
mul colendis.*

Ministri Nonconformes Anglicani salutem dicimus.

Occupati occupatos allocuturi, præfatorias am-
bages, (*otiosorum crepundia*,) dedignamur, *Viri
Optimi!* Qod ipsum spectat *Alloquium*, cum
coegerit *Necessitas ferrea*, satis pro eo perorabit *Huma-
nitas vestra*. Quapropter in *mediam rem* protinus, adu-
landi gens nescia, descendimus.

Multum est ex quo in *Conformes & Nonconformes* lace-
rati sunt *Protestantici* nostrates. Nimirum ab incunabu-
lis beatissimæ cæteroquin *Reformationis*. Id mali à *Ga-
dibus ad Gangen* diffamatum, fando vos fortean exce-
pistis, seu alicubi librorum legistis, qualitercunq; de-
pictum. Neq; instituti est hodierni, perdolendæ istius
in partes scissuræ, *Historiam* contexere. Quamquam quod
maximè desent boni omnes, & soli gratulantur *Achivi*,

tacendum est minimè; scilicet immedicabile vulnus, vel etiamnum superesse. Quinimò & q̃a *humi-olim* *serpsit*, ætate nostrâ supramodum invaluit & planè regnavit fera *Erinny*s.

Verum quidè est, nec quis sanus iverit inficias; inquietabat non paucissimos sub EDVARDO Rege 6to recens edita cum *Ritibus* annexis *Liturgia* nostra. Nèc prius in *Angliam* suam redierant sub Persecutione *MARIANA* exules, q̃am densior multò creverit *Nonconformium* seges. Et *ELIZABETHÆ* annum prope vigesimum quintum, (post mortuos *Parkerum* & *Grindallum*, *Præsules* ad *Pacem Ecclesiasticam* natos;) scuticam passi sunt non unam. Idq; per omne illius regnum; & *JACOBI* 1mi, q̃anquam spem dederant meliorem *institutio Scoticana*, & eruditio q̃a is erat eximia. Anno plus minus 1603. ipsi offerebantur mille *Ministorum* 7. *Cri.* libelli supplices, pro reformandis & *Cultu* & *Clero*, & *Disciplina*. Atq; alteri, *Ministorum* viginti duorum, intra *Londinum* & *Suburbia* degentium, pro dignanda *Concionandi Libertate*! Sub *CAROLO* 1mo, in eodem ferè loco steterint aliquantisper *Nonconformium* res parùm prosperæ. Ast *Laudo*, *Archiepiscopo Cantuariensi*, (aquilâ muscarum ritualium captantissimâ,) *verrice* mox *sydera* feriente, duplicantur lateres, si loqi sit; multiplicantur gravamina. *Nonconformes* ergo, confertim se in fugam recipere. In *Hyberniam* transfretarunt multi, in *Hollandiam* non pauci, in extremos *Indos* plurimi; plorantibus interea domi relictis, emori *S. Verbi Præconium*, excedere *morum* è gente *Temperantiam*,

perantiam, Languere Mercaturam, vivere & valere Papismum, in deterius vergere omnia. At de CAROLO 2do optima sibi omnia pollicebantur pleriq;, usq; in tenues auras evanuit aurea Breda data Declaratio. Quæ non ita multò post reditum, ludificandi causâ fuisse natam sat innotuit. In Laudi seqacium verba juratus Rex perditè (ut Præsules sibi haberet astrictiores,) nos ipsis, prædas in partes discerpendas, projecit. Nec mora, qm, illi, sui per omnia simillimi, (ne qid durius dicamus) anteacti temporis tragædias superare universas.

Una strages Bartholomæa anno 1662. Aug. 24. lata, circiter bis mille Ministros ab Officio expulit & Beneficio. Atq; eodem sub tempore, è Laicis haud numerandi greges simillimæ ceciderunt victimæ. Neq; hic substitit inauditus antè Zelus. Nonconformes, utrumq; genus, vel mortuos occidere, non morati sunt Hierarchici. Leges subinde novas nos contra, è Senatu, in favitiam minus properaturo, subdolè extorserunt & multoperè. Delatores, qos Informatores vulgò dicimus, ære ciere, & martem contra conventus quolibet nostros cantu accendere, egregia laus habita est; merces magna, bellum qidm, sacerrimum. Nullâ non veniâ Papicollis, Ebriosulis, & fursuris cujuspiam Atheis interea temporis concessa.

Regnaturo aliquantulum JACOBO 2do visum est, subjectis omnibus colendi Deum pro beneplacito, copiam facere. Nec placidissimè Hierarchicos nostros, (extra omnem teli ictum positos se somniantes)

tractare. Atq; hinc illæ *Lachrymæ*, quæ in Lethen præ-
corfluere *taciti* nos faciles patimur. In nos jam tum
(*volentes nolentes*,) destiterunt abs arietando. Nunc au-
tem, Deo misericordiarum Patri grates, GULIELMUS
Serenissimus noster cum *Senatu* ab unguibus tutelam
firmatam largitus est.

Veruntamen illis, *eadem mens idemq; manet Animus*.
Haud segnes erga nos inimicitias cum alunt, tum pa-
lâm faciunt. Exceptis, qî, à partibus stant nostris cor-
dicitus, & gemebundi satis agunt sub *Patrumq; Fra-*
trumq; gravissimâ paci turbâ. Invisa *Episcopis* pluri-
mis capita, nec *germanorum Conformium* titulo dignan-
da.

Missæ facimus innumera, pacis, utut diffugientis,
perpetim studiosi. Illa tantum in medium proferre
gliscit animus, quæ citra injuriam nobis gravissimam non
taceri posse censemus.

Convitiis certè plaustra in nos Exonerari, & de
industriâ in hominum monstra vertere, dissimulandum
non est. Sic etenim fieri existimamus, ut *Transmarini*
vos fratres & inclementer de nobis sentitis & parum
candidè (ut dicamus mollissimè) aliquando *pronuntiatis*.
Idq; dum, *per nostra latera*, vos ipsosmet *Hierarchica*
confodit inclementia; *vestraq;* ob fabas in nos cufas,
pariter vapulant *terga*.

Quocirca *vexatissimæ* quæ intercedit *controversiæ*, sta-
tum aperire allubescit. Neq; quilibet infamiæ notas
recusamus, si latum in quâpiam re unguem à veritate
discefferimus.

Non causa pro causa nostrae Nonconformitatis, decantantur creberrimè. Sed, quod norunt quicquid nos haud prorsus ignorant, confessionem fidei Anglicanam, de fide totam quædam exosculamur. Imò & abs illâ in concionibus plerumq; abludentissimos, ægris oculis videmus Conformistas.

De partis nostræ Ministris in grandi cum *Hierarchicis* certamine, an. 1660. & 1661. in *Sabaudia Londinensi* habito, dici sequentia possunt, refelli non possunt.

Statas *S. Prætorum formulas* in se illicitas non somniarunt. Quin & *Liturgiam* in ipsissimis *S. Scripturæ* verbis conceptam, ipsi concinnarunt.

Liturgiæ Anglicanæ materiam, ex parte maximâ sanam esse dederunt. Authorum *memoriam* veneraturi, Librum probè laudabilem agnoverunt, & non contemnendæ *Reformationis* exordium. Qamvis non omni carere mendâ, pro hebetudine sua, capere non erant.

Demptis item offendiculis in ipsamet *Liturgiâ* demonstratis non statuerunt ergo non posse *p. Legi*, quia parum *p. imposta* fuit *Lectio*.

Mendis repurgatum id *Liturgiæ* lectum ire, alii sunt polliciti, & vel non emendatum, quoad partes legere, modo ad *S. Ministerii* exercitium *parialis* *lectio* sufficeret.

Sanctorum Festa simpliciter non damnarunt. *P. transigi* dies istos posse, in laudibus Deum efferentibus ob *Apostolos* *Ecclesiæ* donatos, & vel ob *postera Reipublicæ Evangelicæ* *volumina*, non abnegarunt.

Genu flexionem inter celebrandum *sacram Cenam*, *super-*
stitionis

stitionis stigmate non inuolant. Cruentissimum quidem nefas putare, nunquam tradi sacra symbola Fidelibus id gestus formidaturis.

Imponendi S. Bibliis manum, & deosculandi ritum in Jurejurando solennem, non inuolant.

Contra *Annuli usum in Nuptiis celebrandis adhibitum, neq; iis illis neq; ipse excidit.*

De *Superpelliceo*, cum cæteris (quæ natio *Hierarchica* deperit,) indumentis, nullas illi accendere lites. Id unum auebant, non exulare *S. Ministerio* unumquemq; vel præstantissimum, sed licere eorum, addubitaturum.

Omnem *signaculi Crucis usum*, in classe illicitorum non collocarunt; tantummodò istum in *S. Baptismo* arreptum, quia in eo peccat, quod ista ei defert, quæ solis diuinis institutis deferenda sunt. Hunc intrepidè *Gorgonis caput* pronunciare, & abominandam humani Sacramenti imagunculam.

Adversus *Episcopatum*, id est Præsidentiâ super *Presbyteros* solo gradu distantes, eamq; Ordinis solius nuncupandam, & non nisi in infima speciei Ecclesiâ, ne verbulum illi leuissimum.

Neq; *Archiepiscopos* contra, seu *Diocesanos* adinstar *Archiepiscoporum* regentes, se succedunt, eo prius impetrato, ut non nisi juxta Verbum Dei regant.

Metropolitanos, Patriarchas, Cancellarios Laicos, Commissarios, Surrogatos, Archidiaconos, & quicquid est reliquum contra hincere quæ Regis Ministros: dato prius quod haud diuagentur extra oleas, sed rerum suarum satagant. Et si *Ministri* fuerint, *Ministerium*, si *Magistratus*

gistratus se habuerint, *Magistratum* (nil ἀλλοτρίοις μοιχοῖσι) curent.

Obsequii *Prelatis* præstandi in antedictæ potestatis exercitio; *Promissa* ne minimum improbare.

Nedum aliquando in dubium vocare *Fidelitatis* & *Suprematûs* iuramenta. Nil minus: At lubenter lætanterq; CAROLO 2do reduci fidem utrisq; iuratis voverunt.

Vulgatæ Regum Excommunicationes, haudq;quam illis arriserunt. Si quando incubuerit divini præcepti necessitas, subtrahenda esse Regibus sacra Symbola, contendunt & *Andreas* & *Bilsonus*; quanti Antistites? Nec plus hilum nostri.

Potestatis Ecclesiasticæ claves in manum poni *Laicis* quibuslibet, haud unquam libitum est.

Magistratibus negotium dari, ut vi & armis *cenfuras Ecclesiasticas*, qâ tales, prosequantur; & de homunculis Ecclesiæ eiectis Poenas sumant; atq; ob non redeundum in illius sinum, flagellent; non opinati sunt.

Adtrophora non prius a Magistratu postulari, qàm id propter in nefaria migrare, animis haud sinxerunt.

S. *Scripturam* omnibus & singulis sacri cultûs circumstantiis normam adducere particularem; nec quidpiam de *Tempore*, *Loco*, & similibus, juxta generales & *Pacis* & *Edificationis* regulas determinandum relinquere, ipsis non infedit opinio.

Immiscere nos *Curibus* non omni crimine vacantibus, aut alio atq; altero commaculatis; nisq; Culeum ipsum incurfuris, nefas esse contenderint nulli. Sat scientes

Scientes contra *Salutem* legi, qui se in malorum omnium participationem devenire, eo loci quo Deum colunt admissorum, sibi fingunt.

Abs *Ecclesia* unaqualibet anarchica, & vel nequissimis utrumq; apporrectionem Sacramentum, haud illico aufugiendum docuere: Nisi in purioris *Ecclesiae* gremium, est ut quis se recipiat.

A receptis cujuspiam *Ecclesiae* moribus, Conscientiae Injussu & ingratis, recedere; neq; in rebus indubitatis, concordiae ergo, *viam vitam terere*; Vertiginis magis esse quam *Pietatis* arbitrati sunt.

Nequiter vicinorum animas ut per scandala pessundemus, *Reges* mandare posse non tulerit animus. Cum autem grandius multo malum ex *Contumacia* quam ex *Scandalo* videtur profecturum, posteriori huic succumbere oportere stetit sententia; & ex utriusq; non avertendis malum pati levidensius.

Ministros *Parochiales* atq; *Ecclesias* pro nullis habuere nulli. Neq; quolibet discedere sunt hortati, nisi cum multo praestantiores praeforibus essent; atq; illis se adjungendi, commoda non defuerit opportunitas.

Ecclesias palam mendosas *contumeliis* afficere, impendio scelestum censuerunt; at omnium colere pacem religiosè, *S. Evangelio* dignissimum.

Amore prosequendas vel illas senserunt, quarum *postulata* nequam nos à Templis summovent.

Sic illi manus; sic ora ferebant, viri à *Superstitione* haud plus metuentes quam à *Separatione*: Et distinguere doctissimi

doctissimi inter *Tolerandum* quæ amovere non opus est mala & *Approbandum*.

Patrimos cum Matrimis, pro antiquo more acceptos, neque ipsi improbârunt aut nos oppidò improbamus. Nempe tunc cum pro liberis *Fœderatores* stent Parentes; seu in suspensionem venerit ipsorum à sancta Fide defectio, vel è vivis propera migratio. Aut quoties cordati quilibet Fideles, Liberos, optione factâ, deligunt; & in familias suas asciscunt enutriendos.

Confirmatio verè dicta; & solennis, *Baptismale fœdus agnoscentium* in adultorum Fidelium classem relatio, usque adeò non displicet quòd, ex hujus nos inter, usus, revocandi desiderio propè ægrotamus. Cuiquidem Protestationi, attestantur *Libri operosè pro ea propugnaturi*, quos elucubravimus.

Scripta quod spectat *Apocrypha*, Librorum *adificationi* inservientium lectio nequicquam nos urit. Modò absit *Scripturæ Canonicae* vilipendium omne, & fiat (quam illius sibi vendicat honos,) debentissima *Apocryphae* abs illâ determinatio.

Gestus corporis, cultum internum spirituales decen-ter ac venuste designantes, valde nos volumus. Atque indecoros in *S. Precibus* aut *Concionibus* sermones, habitus, gestus, actionesque fastidimus. Utpotè læsæ Coelestium majestatis reas, & utut inopinanter, despiciatui tradituras deterrimo.

Malefanam non occlamamus *Liturgiam* ob Charitatem & Spem eousque; (in *Absolutionis*, *Sacramentorum*, & *Sepulturæ* officiis) extendendum, quousque proba susti-

net, nec in divina peccans Testimonia, ratio.

Ardeliones in *Sacrum Ministerium* irruituros non habitâ *Ordinatione* præviâ, culpâ levamus minimè. *Schismaticum* & *malorum* duces *inenarrabilium* judicamus *Pastorum* ætate provectorum esse, de *Candidatis* Ministerii usitatè sententiam ferrè, inter nos convenit.

Horum omnium, limitibus carentem *Tolerationem* nil expetimus. Nos si audirent *Legum-latores*, *Approbatos* alerent lautè & spectatos unusquisq; *Medioximos* & *Tolerabiles* fuisse non gravarentur. *Non ferendos* & *Reipublicæ Christianæ* maleficos *Kædδύναμιν* constringerent; scilicet ne *pravæ pecudes* totum scabie & porrigine inficiant *Ovile*.

S. Religionem quâ fiat longè latèq; diffundendam, in nullâ non gente cupimus. Et *Ecclesiam* tum esse tum dici *Nationalem*; Nimirum ut sic audiant *Ecclesiæ* in regno quolibet confociatæ, unusquisq; sub *Monarchâ Christianâ* agentes. Intereâ noverint universi; eliminandos esse quibuscunq; non arriserit sententia hæc nostra, multum abest ut (immanes, & pacis *Evangelium* dediscen-tes) consentiamus.

A Templis Parochialibus frequentandis in *Conventicula* populum illicere, non coacti non gestimus. Coetuum *Conformium* quâ jure possumus, famæ non sinistrae studemus. Sat sensuri, quantoperè *Imperatorum* & *Amicitia* & *Præmia* orbes componunt universos, vel rei religiosæ tenus. Hos autem in *Atheismum* potius immergi quàm *Conformium* coetibus adjungi, *Nonconformes* haud malumus.

Neq;

(11)
Neq; reverà, *vetantibus id Magistratibus*, nobis *con-*
cionandum esse opinio est ; nisi cum ingens liquidò con-
fiterit necessitas.

Ad *Seditiosum* quicquam, *Schismaticum*, seu *Perduel-*
lione tinctum nos obligare *Ligam* (ut loquuntur) *Scotica-*
nam, aut alicujuslibet quicquid est *Fœderis* ; sive ab ob-
eundo superioribus quibuscunq; obsequio emancipare ;
nos cogitando procul absumus.

Juramentum Oxoniense dictum, (& si quæ fuerint con-
sanguinea,) non ergo recusavimus, quia quod in licitis
obedire Majoribus astringunt, & obniti vetant. *Cæsari*
etenim quæ sunt *Cæsaris* eatenus ultroneè damus, quate-
nus eloquitur aliquis *S. Scripturæ* textus, *Synodus* quælibet
generalis, sive exaudita quævis *Ecclesiastica Confessio*.
Uno verbo, quatenus de eo inter *Jurisperitos*, *Politicos*,
& quousq; legimus, *Historicos* constat.

Synodorum non malè habet nos, aut *Conciliorum* usus.
Principibus leges circa sacra condituris, præstò esse,
cum è re Catholicæ Ecclesiæ fuerint, commodum du-
cimus. Neq; ob *lanam caprinam* abs institutis reco-
dendum esse existimamus, quia ista tamen pro *Legibus*
minimè habemus ; at vel maximè pro *Contractibus*.

Hactenus pax alma, *Viri Clarissimi* ! sequuntur Luctu-
osa *ἐπιστολὴ μὴ λυγρὰ*, quæ quantum vos oblectaverint, aut malè
habuerint, sciendi desiderio laboramus. Atq; ut è lite-
ris ad nos datis brevè innotescat, rogamus supplices.

Valedixerat *Episcopis Diocesis Angliæ* nostra cir-
citer ann. 1645. Nos, abs eo temporis, fere omnes à
Presbyterorum *Conventibus Ordinati* fuimus. Sed (in

hoc genus tempora reservamur!) *Reordinatio* antè exigitur, quàm aut *Beneficium* quale quale, aut ipsius S. *Ministerii exercitium* inter *Hierarchicos* confertur. Odiosæ quidem *Reordinationis* vocabulo abstinent, quia cominùs eminùs ob rem nusquam non infamem contendunt. Irrita est, obstrepunt, & planè nulla, per *Presbyteros* *Ordinatio* facta. Reponentibus (inter cætera) nobis, conclamatum esse hâc ratione de *Ecclesiis Transmarinis*, regerunt satis multi (pro mente quâ sunt enormi & fronte,) *Turbas esse inconditas, dissolutas, nec Ecclesiarum appellatione dignas.* Interea in Ecclesiam Romanam hi motus animorum, & hæc certamina tanta haud exardent. Quia *Ordinatis à Presbyteris aut Cismarinis aut Transmarinis* præcluditur in *Ecclesiam Anglicanam* aditus, patet totus in *Papali Synagogâ* *Ordinatis.* Quod quidem gratiæ, *Laudensibus* gallinæ albæ filiis acceptum referre non dispudet; quandoquidem *Bancroftis* nostris, *Mortonis, Usseriis*, atq; omni certè Ecclesiæ *Laudi* vestigia non pressuræ, nec audacia isthæc neq; in supremo stans culmine inerat fastus. Attamen improbæ huic contumeliæ cedendi imperitis; & Ministri plùs semel faciendi, (sc. *Reordinandi*) & ferendi super sinciput sparsa *Episcopi* reordinantis mendacia; deniq; & vos *Fratres Symmystas* unà cùm nobismet ipsis de gradu deturbandi; locus in *Ministerio Anglicano* superest nullus. Usq; adeò rigidissimè præcipitur ut ordinemur denuò *Presbyteri* per impositionem manuum; nec sine istâ verborum formulâ, *Recipite Spiritum Sanctum; quorum peccata remiseritis remissa sunt, &c.* Etiam ut

(15)
ut creati simus *Diaconi*, & palàm profiteamur nos à *Spiritu Sancto* moveri ad illum gradum *Diaconatus* suscipiendum: in quo itidem tenemur *per annum integrum* restare, nisi *Episcopo* ob graves causas aliter sit visum.

Sed neq; viris infra se descendere parùm solentibus, satis ipsa Reordinatio nostra fecerit. Inter denuò Ordinandum hoc juramenti (si placet) irrogatur: *Ego A. B. juro quod præstabo veram & Canonicam Obedientiam Episcopo, ejusq; successoribus in omnibus licitis & honestis.*

Abs eo autem concipiendo deterrent nos & detorquent non levissima multa. Subolet *pro confesso haberi*, licitum esse & honestum id omne, quod postulant, quibus evidentè respiciendum est à Juraturis, *Canones*. Cui quidem opinioni, nos, ante Græcas Calendas haud assenserimus. Sapientè hoc an secus, secuturæ aliquada-tenus eloquentur rationes. Accedit item administrare regimen *Episcopos* per *Cancellarios Laicos*; *Ecclesiæ* Claves usurpatione turpiter sacrilegiâ temeratu-ros, in decernendis *Excommunicationibus* atq; *Absolutionibus*. Isti verò nequitæ teterrimæ jurejurando caput demulcere, nostrum non est. Nec prætereundum est, nescire penitus *Sacram Scripturam*, & *Ecclesiæ Primitivæ* praxin, *Præsules Diocesanos*, ducentas & supra *Ecclesias* rectu-ros, absq; *Episcopis* quibilibet sub illis disciplinæ quid-piam exercentibus. Nescire insuper utramq; *Episcoporum* nostratium profapiam; quos omnes absq; electione *Cleri cum gregibus*, & vel consensu præcessuro, nisi umbratili, pro arbitrio Rex seligit. Quapropter quò nosmet-ipsis Sacramento obstringere, nec in *Usurpationis* suæ

lure creatum venire, possimas, Lusciosi haud videmus.
Ordinatis insuper quomodocumq; abs Episcopis hisce;
& id Juramentum præstantibus, obstruuntur ora Episto-
mio non ferendo. Concionari etenim nefas est, seu
S. Scripturæ portunculam quamvis elucidare, aut quic-
quam, nisi editas à superioribus Homilias, legere, ante
impetratam ab Episcopo (quæ sua est calliepeia,) Li-
centiam.

At quod genus hoc hominum est, quos penes est & Mini-
stros facere, & ab Officio Ministrorum obeundo insimul de-
tinere? Etiam & abs Officio unuscujusq; Laici sacris
litteris foeliciter imbuti. Inter Ordinandum his verbis
nobiscum paciscuntur.

Q. Statutum est tibi è S. Scripturis commissos custodiæ
tuæ populos erudire? R. Statutum est Dei gratiâ. Q. Ope-
ram fidelem tuam navabis, ita Verbum, Sacramenta, &
Disciplinam Christi, nunquam non ministrare, pro Præ-
cepto Domini, &c. ut populos curæ & custodiæ tuæ
creditos, omni cum sedulitate ista agere & observare
docere possis? R. Sic agam cum auxiliaturo Domino.
Q. Paratus eris cum fidelj diligentia omni fugare ac ar-
cere erroneas unasq;que, peregrinas, & adversas Verbo Dei
Doctrinas? Monitionibus item & hortatibus cum publicis
tam privatis, ægrotis juxta ac sanis, uti, pro re natâ & oc-
cassione se daturâ? R. Ero, Domino mihi opitulaturo.

Post hoc pacti tam disertè constituti, nil subvere-
tur insulata Pietas, sacratissima Evangelii præconio
ora obturare! Dataria autem sunt Concionandi Licentia,
dixerint. At quid inde, rogamus, eliciendum est? Non
omnibus

omnibus *Ordinatis* dari palam est. *Ordinatis* olim ple-
risq; haud prostant venales, nec absq; cufis abs isto
tempore conditionibus seu pactis veneunt. Et (quod
rei caput est,) si quidem datariæ sint omnibus promiscuè
(qas loquimur,) *Licentiæ*, attamen *arbitrarium* interea
fit *Ministerium*; *Hominum* servi videntur & sunt sin-
guli, *B. Servatoris* Ministri; inq; *Episcopis* situm est
S. Evangelii (secundum magis & minus) *Monopolium*.
Quod si *Romanenses* (sæt placide) passi fuerint nudina-
tores, nos à *Sacrilegio* caventes, perfidiâ, atq; anima-
rum internecone, districtum nolamus *Jesu Christi* *Leges*
everti.

Quin nec *Ordinandus* quisquam est, aut in curam ani-
marum antè admittendus, qàm in hæc verba (nec quolibet
alia) declaraverit.

Ego A. B. præbeo non fictum *Assensum* meum *Consensumq;*
omnibus & singulis contentis ac *Præscriptis* per *Librum*
cui titulus *Liber Communium precum & administrationis*
Sacramentorum, aliorumq; *Rituum & Ceremoniârum* *Ec-*
clesiæ Anglicanæ; unâ cum *Psalterio* sive *Psalms David-*
icis punctatis prout vel *Cantandi* vel *Legendi* sunt in *Ec-*
clesiis. Et *Formâ* ac *Modo* faciendi *ordinandi & conse-*
crandi *Episcopos* *Sacerdotes & Diaconos*.

Subscribendum est etiam his verbis: *Librum dictum*
Verbo Dei nequaquam contradicere, at piè adhiberi posse; nos
qoq; *formulis* isthîc *præscriptis*, neq; aliis quibuslibet, in *Pre-*
cationibus *publicis & Sacramentorum administrationibus*,
usuros esse.

Obruti nos, quibus, *Humanum* esse aliquantulum errate,
fit

sic opinio, & *Effectus nil posse causarum vim superare*; hæremus hic loci cumprimis. Docentibus ipsis quibus subscribere tenemur *Articulis*, & quindicesimo & vicesimo primo, nobis fides est *Christum solum peccato vacare*. Cæteros nos universos, quæquam *Baptizatos* & *in Christo Regenitos*, in plurimis transgredi. Fallere item nos seu seducere nosmetipsos, & veritate vacuos esse, si dixerimus nos peccatum non habere. *Concilia* quoque, quod attinet ad *Generalia*, cum *Conventus* sint hominum, è quibus haud unusquisque Spiritu Dei gubernatur, Verboque errare posse, atque aliquando in rebus Deum spectantibus errasse, credimus. Neque *Liturgiam* errore quolibet immunem, à *Viatoribus*. se non immunes esse vociferantibus, proficisci posse liquet. At vel *Lippis* & *tonforibus* notum est, nullam compesci mappam enatum hinc *Papicolis* risum posse. Ecquis enim ipsis responderit, *Infalibilitatis prærogativam* sibi vindicare *Hierarchicos* nostrates, clamitantibus? Minime gentium. Quidquidem, quod luce clarius est, haud amplius vel *Italicae gentis Papæ* vindicatum eunt: nec *Affensum* & *Consensumque*, *Ecclesiæ Catholicæ Canonibus* pleniorē postulant, quam postulant. Libris antedictis *Ecclesiæ Anglicanæ Patres*. Quæ quantum nos sapimus, Libros illos suos vel *S. Bibliis* anteponere male videntur. *Bibliorum Codices*, alios atque alios, in dubium vocarunt non nulli, quos haud ideo suspenderint ab *Officio benigui Præfules*. Et quid multis opus est? Ad salutem necessarium à Deo fieri *Affensum* & *Consensum omnibus* & *singulis*, contentis, præscriptisque in *Bibliis Sacro Sanctis*,

Sanctis, utrinq; negatur. Quocirca abire in malam rem jubemus, *Tyrannidem suam* cō usq; turpissimam: nec *Attalicis dimovendi sumus conditionibus*, abs istâ, quantum nos penes est; pudefaciendâ.

Æquo durius nos omnia intelligere, *Scioli* gannunt pleriq; At id vitii haud intentant in nos *Episcopi*, quibus bilem movet acerrimam *de interpretatione quolibet emolliente* verbulum. Nugatorum verò omnium suavissimi sunt, quibus in ore nihil frequentius est, Articulos tantummodò *Pacis* esse, non *Fidei*, quibus consentire astringimur. Qicquid mentis inopi lubet, id *Campana sonans disertè exprimit*, dicimus *Anglici*. At *suppositio nil ponit in esse* quod usu omni compertum est. Mentem *Præsules* suam, & *Senatus*, (ipsis *ut* in obsequens) verbis *conceptissimis*, *perspicuis*, & sat superq; *repetitis* exponit: nec quis jejune *contraphilosophandi* locus relinquitur. Ludibrium debet & certo certius solvet, quisq; colendæ *Pacis Juramentum*, satis pro *Conformitate Anglicanâ* nostrâ facturum somnians, id *Episcopi* arbitrio submiserit. Locuturum se *mandatis aliquibusdam fidem adhibere nullam*, excipient verborum fulgura & tonitrua; nec de *Pace* *rhetoricari* sustinebitur.

Quod si immaculata extarent omnia, & cujuslibet erroris expertia, præscriptis adhærere formis, ita ut præcipiunt *mordicus*, pigeret; atq; abs eo pollicendo refugeret animus. Nostrum enim esse arbitramur, *Preces*, non secus ac *Conciones*, conceptis à nobismet verbis efferre: neq; tantæ *Ministerii* cui vovemur parti

nos deesse, sedum simpliciter illam renunciare, aude-
mus. Formulas precum alias, in *S. Jejunis & Gra-
tiarum actionibus*, pro mandato Regio conscriptas, im-
ponunt quandoq; & legunt *Episcopi*. Mirum est se haud
temperasse igitur ab aliarum omnium usu, sine quolibet
restrictionis umbrâ, prohibendo. *Conformes Ministri*,
tantum non omnes, ante Concionandum, aliis utun-
tur Precum formis, quâ foederis hujusce icti memoriâ
aut conscientiâ, ipsi viderint. *Nonconformibus* autem
nobis, non licet esse tam disertis, contra ipsissima so-
lennis Promissi verba.

Nec facili quidem haustu sorbemus articulum fidei
recentem, quem propinat his verbis *Rubrica*, omnium
consensu prosequenda, sc. *Constare ex Verbo Dei infantes*
Baptismate donatos habere omnia ad salutem necessaria;
& si, antequam peccatum actuale admiserint, moriantur,
salvari indubiè.

O Cœcos, quotquot estis usquequq; *Theologos*, qui de isto
calamis strictis (*andabatæ*) digladiatis, quod unicuique
vel è plebe *Theologorum nostratium* ita constat! quinimo
& quod ignorare apud *Anglos* piaculum est; idque à
S. Ministerio fugantissimum! O Infantum Patres non
duros, *Antistites* nostros!

Salvari, haud aliquos (quod nemo negaverit,) sed
omnigenos volunt. (*Indefinitum æquivalet Universali.*)

Atque illi, qui de ista *Scripturâ* constare affirmant; nec dig-
nantur tamen *Textuarii* adeò præpollentes, nobis, om-
nium egenis, versiculum quempiam eò facturum indigi-
tare.

Et,

Et, quo crudelius nihil comparet, à S. *Ministerio* at-
centur qotqot sine cortice natare nequeunt; & suopte
ingenio textus id *ἡντομερον* dubio omni eximentes
assequi.

Fieri posse ut viri, *ceterà præstantes*, vel hoc somnii
somniaent, nulli dubitamus. Insomnium autem esse
hunc *Articulum* & à veritate alienum, fusè alibi pro-
bavimus; & vobis, præjudicii glaucomate non opple-
tis, strictura *Paulina* unica, 1 Cor. 7. 14. habita, sat
evincet. Qandoquidem (quod alii textus innumeri non
obscurè agunt,) Infidelium liberos hæc impuros esse,
quoad gratiæ foedus peregrinos, ac investiturâ Baptis-
mali minimè donandos, liquidissimè asserit!

Ipsium equidem *Pædobaptismum* è *Traditionum Cister-
nis* depromi, non ipso *sacrarum Literarum fonte*; loquun-
tur è *Conformibus* non pauci. Quibus illi ergo machinis
cuniculifve, ex hoc fonte, *Infantum Baptizatorum salu-
tem*, polydædalei hauserint, solvat q̃ solvere potis est
Oedipus! Qinetiam & dubios animi de doctrinæ Chri-
stianæ & *Prorâ & Puppe*, salutis compotes pronuntiant
Theologi quidam, è suis antesignani; modò superet quod
dubii est minima fides; atq; inniti in Deum salvato-
rem, eiq; fugacis mundi quicquillas postponere sit valens.
Ita nihilominus aut *sapiunt* aut *desipiunt* capita hæc ip-
sissima, ut nos circa quorundam Baptizatorum salutem
hæsitantes, officio interdicendos & beneficio omni asse-
verant. Hem *σκληροκαρδιαν*! & hyperbolicum in effe-
rendis supra S. *Evangelium* deliramentis rigorem!

At nos haud antè erimus ausi hunc articulum *πεδόδοτον*
asserere,

asserere, quàm deleverit è sacro Codice, qui inscripserit, percellentia nos verba; "*Testor cuiusvis audienti verba Prophetiæ Libri hujus; si quis adjecerit. ad hæc, impositum ei Deus plagas in Libro isto scriptas.* Sed eundem est.

Inter Baptizandum, *sponsores & sponsatrices, Patrum Matrimonia*, adhibentur, infantem nil adoptantes, in illius tamen vice cum Deo foederaturi. Parentibus in consortium minimè acceptis, alit id spondendi munus à *Canone* vicesimo nono obire vetitis. Spondent omnia in *Liturgiâ* memorata, nec quicquam præterea verbum, dicti sponsores. Neque morantur, impræsentiarum infantis loco, profiteri missum *Carni, Sæculo, & Satanae* nuncium. *Fidemque* quoad *symboli Apostolici* articulos, immotam; nec non *desiderium Baptismatis assumendi* ardens suum. In se insuper recipiunt sanctissimè, infantem, tunc cum adoleverit, id voti solennisque promissi docere, ad *S. Conciones* audiendas provocare; & vel maximè, ut *Symboli, Precationis Dominicæ, & Decalogi* doctrinâ, saltem vernaculâ, ut imbuatur curare. Aliorum item omnium quæ *Christianorum* scire interest, & credere in salutem animæ. Denique ut probe formetur pueritia, ad vitam sanctam agendam & Christianam. Cui destitutæ divinæ institutione praxi, & multifariam adversæ, non consensuri omnes à *S. Ministerio* protelamur.

Consensui verum nostro obstant multa. Nefariè etenim prohiberi Parentes pios, à dedicatione liberorum in *Baptismate* profitendâ, existimamus: & permitti interea

interea *Patrimos, Atheorum, Sadducæorum, Judæorum, Infidelium*, & in facinus quodcumq; juratorum Infantes offerre *Baptizandos*. Infantumq; personas induere, jure planè nullo in *Pollicendo* prius dicta & *profitando* in parvulorum vice. Qasi re verà, quod nihil falsius, ad isthæc omnia profitenda & pollicenda Infans *Baptizandus* unusquisq; divinitus esset obligatus. Nec scelestorum minùs opinamur, *Infidelium* palàm & *Profanorum* liberos, perinde ac *Christianorum* sacrâ Lotione dignari. Quod quidem & ipsos Fœderatos esse mentitur; & S. Baptismo (rei in toto vitæ curriculo maximæ,) detestandum cedit in opprobrium. De *Sponsorum* notissimâ ubiq; locorum perfidiâ, & contumeliis quæ suboriuntur gravissimis, dicere, infinitum esset. Per plurimos id officium sortitos, imberbes, sacrarum literarum rudes, atq; omni pietatis, omni probitatis umbrâ procul diffitos, quotidianis ferè oculis videre est. Ex omnibus autem, muneris partes solennitèr promissas exacturus, adhuc temporis *innotuit nemo homo*. Et (neq; mirum,) lucelli res jociq; potius vulgò habetur, quàm pietatis aut cujuscpiam pietati affinis, sponsoria *Paternitas* tota, & *Maternitas*. Dicis causâ postulari, dicis causâ sustineri, utraq; videtur.

Sunt etiam è nostratibus plurimi, qui, propter quòd ex suâ fide & professione infantulum sacro fœdere comprehendì colligitur, & signo fœderali obsignandum esse; muneris sui esse, *nec per alios quolibet obeundi* putant, infantem unumquemq; suum offerre *Baptizandum*; & de eodem in Fide ac Pietate educando fidem dare.

Nec

Nec perpeti, ut *spuria* qualis qualis paternitas, submoveat suo loco *germanam*. Qui autem liberos horum omnium, ut ut pietate præstantium, Baptismo igitur orbari non consenserit, is *Ecclesie Anglicanæ Minister* nequaquam evaserit. Sic etenim *Rubrica*; 'Erit *Infanti* unicuiq; masculo cum *Patrimis* duobus una *Matrima*; & femineo cui libet *Patrimus* unus cum *Matrimis* quibus. Sic etiam, subscribendus universis *Ministris*, *Canon*. 'Ille ipse usus erit formulâ in *Libro* dicto præscriptâ in *Precibus publicis* & *Sacramentorum administrationibus*, atq; diversa nullâ. Nos autem ob humanum, nil necessum, si non & nequam inventum à Parentibus non admissum, Infantes haud numerandos ovili *Jesu Christi* excluderimus? B. *Salvatore* & *Ecclesiam* suo sanguine coemptam tot numero *Membris* visibilibus ob rem nihili defraudabimus? Adhæreant prius *Linguae Palatis*, & *Dextra* sui obliviscantur!

Deinde quibus Infantes signo crucis signandi scrupulus hæserit, nullis in Ministerium fores patefiant. Signandi isthoc signo intelligimus, 'in testimonium quod Baptizatum non olim puduerit Christum confiteri crucifixum; Et sub ejus vexillo contra Peccatum, Mundum, Satanamq; pro virili pugnare. Fidelémq; ejus Ministrum ac Militem ad extremum halitum agere. Ita *divina Liturgia*. Cui accinit *Canon*, 'Dedicari per hoc insigne Baptizatos in Ministerium illius, cujus beneficia in Baptismo collata crucis nomen representat. Nobis haud dum occurrit in crebris qos sacra pagina memorat Baptismis, adhibiti hujusce signi mentio. Et, ne nimii sumus

in causa satis facili, uno verbo dicimus: signa instituendi Sacramentalia unius Dei potestatem esse, in confesso est ipsos inter Hierarchicos. Ipsosmet autem illos hoc signi affatim Sacramentale instituire, multum diuq; palam fecimus argumentis non evertendis. Per id signum Infantes Deo dedicari, intonant. Nobis autem, signum per quod istiusmodi fit dedicatio, oppidò est Sacramentale. Neq; aliter Reverendissimo è suis Præsuli Mortono; qd Dedicationis verbum nunquam in Canonem fuisse insertum optaverit! Qm & è Catechismo Liturgico, sic argumentatus est dudum non nemo: signum visibile internæ spiritualis gratiæ est signum Sacramentale. Crucis signum est signum visibile internæ spiritualis gratiæ. Ergo,

De *Majore* non dubitaverit, quicumq; omni vacare culpâ *Liturgian* medullitus crediderit. Nec de *Minore* lis erit, si formula verborum modò memorata vel levissimâ introspectione potiarur animi probè descecati. Ob oculos etenim sunt quæcunq; ad id illustrandum vel maximè conducunt. Præstò est signum visibile. Fœderis Christi gratia, cum Acquisita tum Exhibita, per id signi signari planè efficitur. Atq; istiusmodi fit illius significatio, quæ locum medii ob id exhibendum instituti nacta est. Medii (si placuerit) per significatum excitatorium operabundi. Signum est item Fœderaturi cujusslibet ad ea quæ Fœderis sunt observanda devotissimum. Symbolum deniq; fit & insigne Ordinis seu status ingressi. Quod si nec hæc omnia faciunt ut hoc signaculi Sacramentale jure merito audiat, nos quid distent.

distent æra lupinis ægrè novimus. Intercæ vel hæfuris in dubio stat sententia necessum, abs Institutionis J. Christi simplicitate non avelli. Nec, ob *Indos utroq;* dono dandos, (quod truculentiùs adhuc imperatur,) singulos signum crucis haud laturus Infantum frontibus signari, anathemate ferire; & Infantes suos à *Baptismo* arcere.

Cæterum à S. Ministerio ablegandi sumus omnes, id immanitatis haud sponsuri: &, quod par est, omnium à Sacra^a Cœnâ exterminationem, quotquot *genuflexionem* in istâ celebrandâ obtrusam haud sustinuerint. Sunt equidem quibus argumenta quæ probantur id genuflexionis *Idololatreian* sapere, solubilia videntur; sed posse viris vel optimis aqam hære, utrum planè non sapiat; & an liceat ipsis innovato uti ritu, quem prohibuit *Ecclesia primæva*, quocum, in *Idololatreia* suâ confirmari *Papicolas* liquet, & qui convivantibus pessimè convenit, dabunt sani omnes. Optimis autem hisce, quorum inops *Anglia* est minimè, sacra nos symbola subduxerimus? illosq; ex albo Fidelium deletos, cibatu sacro potuq;, quorum longè dignissimi sunt, privabimus? atq; exosis Deo & sanctis derisoribus naso dabimus suspendendos? Difficile est à *duris dictu* temperare; sed *motos lubet componere fluctus!*

Anniversariam diei *Paschatis* successionem perpetuam comperiundi, regulâ nihil aurea gaudent *Liturgici* nostri: at, vel *Calendaria vulgaria* provocamus, sæpenumero mendaci. Sic se habent verbulâ, '*Dominica, post id plenilunii quod post Martii diem 21m. accidit,*

excidit, *primæ omnium nunquam non incidit dies Pascha.* Stultulus est, neq; diffitemur, *ineptiarum labor.* Rem ipsam quod spectat levissimè de istâ laboramus *Nonconformes!* Veruntamen sollemniter, vel in levissimis mentiri, ac notum pro verissimo falsum & scribere & proloqui, nobis lufui non est. Innocuis certè mendaciis patroni cliunt, (*viri quanti?*) & de *Jure belli scriptor non ignobilis,* & *Ductor dubitantium sat celebris.* At utrosq; multo argumentorum pondere obrutos, dedit jamdudum, *miles veritatis sacræ veteranus.* Sin aliter, ex cuius arbitrio toti pendemus, sat abundè prius refellerit *sacra Pagina.* Et q̃ ipsum præstolamur judicem, cui ^{πᾶς ὁ φιλῶν καὶ ποιών} *Ἰησοῦς*, insensissimus est, oculos ante orbitis erui sustinebimus, q̃am hoc genus mendacii, quantumvis innocui, è labris extorqueri nostris.

Neq; ad quod pari ferociâ adigunt nos *Hierarchici*, universos qales qales sepultos (exceptis tantummodò non *Baptizatis, Excommunicatis, & sui occisoribus*) in vitam æternam Resurrecturos esse, incunctanter testari erit libitum. Eousq; *Longitudinis Latitudinis & profunditatis* se protendit, mirifica *Charitas Liturgica.* Sed falsiloqii Deo maximo fundendi, indulgendus est nobis metus; item Verbo sacro, pereundum esse *Impenitentibus* effulminaturo, inficias eundi; atq; Peccatorum gentem omnem in peccatis obfirmandi. Obfirman-
tur etenim nec mediocriter, cum qos inter *Conci-
nandum*, in Gehennam damnatos audiverint, ipsos, inter *Sepeliendum*, supremis illocatos Cœlis (*abs iisdem Ecclesiæ Angelis*) auribus exceperint.

A Septembris die 28^{va} ad usq; Novembris 24^{am}, libros indies legi publicè *Apocryphos* in mandatis est. Scilicet, nisi cum præter-ordinariæ Lectiones fuerint interpositæ, *Judithæ Liber, Tobit, Belis & Draconis*, legendi sunt. Mendaciloquos autem esse & figmentis putis constare, conqesti sunt ex *Episcopis & Ecclesiæ Anglicanæ Doctoribus* plurimi. Nec tamen, ob rudiores monendos, ne pari reverentiâ Libros hosce cum *Canonicis* suscipiant, alius est *his* legendis ordo, alius *Canonicis*. Qod si, minervâ utut invitâ, prætermisiss *Instrucenti Veteris* 188. capitibus, *Apocrypha* 121. capita percurrere persuasum esset; non hujus id æstimarent *Prelati*: Instituto huic *Liturgico* haud consensuris, albôsq; addituris calculos, sacrum obstinatè interdicitur *Ministerium*.

Versionem *Psalmorum* textui hebraico malè morigeratâ, & mendis (adinstar muscarum cum calet maximè) scatentem, gestat *Liturgia*. Attamen obligari omnes ad istam Legendam volunt *Præsules*; posthabita ei Translatione novâ accuratissimâ, *Anglis* universis pergratâ, & ad invidiam *Exterarum gentium* elaboratâ. Bella est hæc unica, quam obtendunt consuetudini, ratiuncula; *Vetus Translatio*, utiq; punctis distincta, *musicæ Organicæ* est accommodatior. Nos, quancumq; *Metricæ Psalmodia* nos potissimum delectat sacer usus, de eo *Musicæ* novitiæ ob quam rixantur, haud adeo optimè sentimus. Damnat id *Aquinas*, & ad *Pædagogicum Veteris Testamenti* cultum ablegat. Atq; *Ecclesiam* per octingentos annos & quod excurrit eo caruisse, testis est ipse
Bellar-

Bellarminus. Sed, dato, non concessio, *delectare* infimul
& *prodesse* coetibus plurimum hanc Melodiam. Hujus
accommodandi gratiâ, præfractè S. *Scripturam* ludifi-
care neq; versionibus fastidium bonis plerisq; cientibus
exuere, pietatis erit? Atq; *Liturgiam* nihil Verbo Dei
contrarium; & non laudabile nihil continere, intereâ
vociferari! Non obstante, qod in *Psalterio* hic verba,
illic *sententie integra*, desiderantur; atq; alibi in sensum
planè alienum, quinimò & contrarium feruntur periodi
non paucissimæ. Legitur *Psal* 105. 28. *Non erant*
Obedientes, cum Hebræa veritas luculentissima habeat,
Non erant Rebelles! Sed in ulcere uno quolibet nolumus
hic loci ungues.

Ab *Episcopis* nondum Confirmatos, aptos saltem, cu-
pidosq; Confirmandi pro more qì obtinet Anglicano,
ad *Sacram Synaxin* admittere interdictum est. Mos
autem, qem loquimur, *Anglicanus*, indigenis præstanti-
bus plurimis offendiculo est. Nugatio mera habetur
apud illos Confirmatio, cujus sat capaces sunt omnes;
qì responsa è *vulgari Catechismo* hausta memoriter pro-
fari possunt. Quam ne plus intelligunt *Sacri Evan-*
gelii elementa, qam inauditum *Aristotelis Organon*.
Nec de eo inquire *Episcopi* solent, at omnibus in genua
provolutis imponere manus & benedicere. Adeo nihil
experiuntur an qì se Confirmandos sistunt, sese exami-
nare possint, in se descendere, & ad *Mensam Mysticam*
sefe ritè preparare. Hinc ociosa, nec rertitio habita
ceremonia, audit Confirmatio dicta. Neq; ex gentilibus
nostratibus, nisi hallucinamur maxime, Confirmatur ple-

rumq; unus. Verum quidem est, & cætera Conformi-
bus, nullos à Sacra Cœnâ avertunt *Ministri* ob id de-
licti, aut si *nigerrimus quis Cygnus* quempiam alicubi aver-
terit, aures non appulit nostras rigor is infreqens. No-
bis autem Religio est, jugum hoc cervicibus impositum,
Verbo Dei non contrarium affirmare; & ad bonorum
luem luctumq; in nos recipere; atq; viris citra *B. Sal-*
vatoris autoritatem dominaturis, aures submittere per-
terebrandas.

Templorum ornamenta, anno EDVARDI 6ti secun-
do præcepta; nec non Ministrorum quotiescunq; mini-
strantium; retineri consentiendum est, à quibuslibet
S. Ministerium ingressuris. Brevissimè nos, quid impedit
consensum, dixerimus. Ornamenta ista, alba fuerint an
atra, haud satis novimus. Exoleta esse plurima, fertur;
nec à fratribus adhiberi nostris vel maximopere Con-
formibus. Neq; de ignotis, inauditis, & inconspe-
ctis ubiubi venimus, placidè nos pronunciamus. Cæte-
rùm Regis memorati tempus, exile admodum Reforma-
tionis fuisse minorenium, novimus. Idq; in exem-
plum trahi debere à consummandæ Reformationis probè
cupidis, ægerminè nobis constitit.

Ordinarium (ut loqi amant) de unoq;libet à S. Sy-
naxi rejecto certum fieri perpetim, idq; intra soles bis
septem; eundemq; rejectum, abs Ordinario, pro Canone,
in jus vocari, consentiendum est. Sed id oneris gra-
vissimi, nostri recusant ferre humeri! Primò, quòd aut
Laici puti sunt hi Ordinarii, aut Presbyteri quidam sin-
guli, qos in Fratres atq; Ecclesias numero multas do-
minari

minari iniquum ducimus. Aut, qos haud magè fuspicit
 mus, *Diocesani* sunt *Episcopi*, térq; qatérq; centenas
Ecclesias uno *Pastorali* pedo suo coacturi. *Dominos*
 hosce, (si tamen *Dominos*,) cognoscere nequaquam pos-
 sumus. Secundò, si coram *Ordinariis*, rejiciendos à *Sa-
 crâ Cená* omnes, accusatos sifteremus, ad pollinctorem
 mittendum est ilicò, qì *Ministerium* efferat & condiat.
 Mortem verissimè enim obiret repentinam. Nam
 & haud *Confirmati* abs *Episcopo* omnes, & *Ignari Im-
 probiq;* malitiosi, una cum minus ego *Conformibus*, qì tan-
 tum non grex totus in agris sunt, rejectum veniunt.
 Qod nec suo caret pondere, procul dissitæ sunt pleraq;
Ordinariorum curiæ; nec absq; & temporis & æris dis-
 pendio adventandæ. Dispendio, studiis sacris inimi-
 cissimo, & mille modis noxio. Interea qas non *sannas*,
odia, *simultates* & *contumelias* qorumcúnq; accusato-
 rum, in ferocientem ita *Ministram* cumlaret hæc
 praxis? Qid non in *Ministerii* totius despectum & fugam
 coacervaret? At qid multa sapientibus, (immemores,)
 profundimus? In corrumpendæ *Ecclesiasticæ Disci-
 plinæ* facinus, jurare nondum didicit gens *Nonconfor-
 mium*. Aut in perniciem moribus præcellentissimis ho-
 minum conspirare.

Consentiendum est excommunicari ad unum omnes,
 affirmaturos *Liturgiæ*. Sacris Literis *Nonconforme*
 qicqam continere, seu *Ritus* & *Cæremonias* qaslibet
 probandas non esse aut usurpandas licitè: item *Arti-
 culos* 39 haud subscribendos de qavis *Traditionum* aut
Cæremoniarum reculâ. Legenda est insupèr propalàm
 hæc.

hæc *Excommunicatio*, imperante id *Episcopo*.

Stat certè in hoc quarto Canone, nec habet quò progrediatur, insensus Cœlo *Puritanismus*. Liturgiæ nostræ nulla defunct, nulla supersunt. *Sithoniâ* purior nive tota ipsa est. Ne minimâ stultitiæ labecula opifices gloriatur aspersos! O si, pro sanctimoniâ parili, haud Satanae traderent properè nos *Liturgici* quibus cœlestis illa *graduum* (uti loquimur) *Perfectio* non illuxerit! Dato, continere Liturgiam *unicum quidpiam Verbo Dei* non consonum; ob *Veritatem* pro officio cultam, *Anathemate* nos feriunt. Sin aliter, vili quidem vanitibus: atq; ergo hominum mendicabula vapulamus, quia, in multis impingere omnes, à D. Jacobo edocti, non excipi debere ipsos *Liturgiæ* autores, decepti putamus. Neq; *Excommunicatu* dignos opinamur Pios omnes, qui de *J. Christi* ad inferos descensu dubitant; quique *Corpus* glorificatum ejus & carne & ossibus carere, cum conciliis quæ *Niræ*, quæ *Constant.* consent. Qui *Athanasii Symboli* verba, diversanimus fideles damnantia, non recipiunt omninò & credunt; cum cæteris plurimis, qui, si ingenuè, illâ quæ *J. Christi* cultores decet *responsionem*, animorum sensa proferrent, quinto Canone id exigente, ipso facto *Excommunicati* forent.

Audiat *sat harmonicus Canon* septimus, *Nostra Crux altera*. "Si quis debinc affirmaverit regimen *Ecclesiasticum Anglicanum*, sub regia *Majestate*, per *Archiepiscopos*, *Episcopos*, *Decanos*, *Archidiaconos*, & reliquos in eodem *Officiales Anti-Christianum* esse, seu *Verbo Dei* repugnare, *Excommunicetur* is ipso facto; atq; ita maneat donec
"resipuerit,

“resipuerit, & tam improbos errores suos propalare re-
 “tractaverit. Quid verò nos hunc *Camelum* deglutiendo
 pares aliquando erimus? *Prælaturam* *Diocesanam* nostram,
 veterem cum *Episcopatum* tum *Presbyterium*, omnemq;
veram Disciplinam submovere; & quod Verbo Dei re-
 pugnat substituere, invictè credimus; & jamdudum è no-
 bis quidam *in tractatu de Episcopis edito*, abundè evicerit.
 De *Laicis* *Ecclesiæ* claves arrepturis; de *Sacerdotibus*
 & *Officialibus singulis*, Clerum Populumq; ad instar sub-
 ditorum, rectoris; deq; *Præsule* unico, per alios cõsq;
Laicos, ad morem plane sæcularem, omnia admini-
 straturo, jam ante diximus.

Nil abludit *Canon octavus*. “*Quicumq; posthac affir-*
 “*maverit aut docuerit Formulam ac modum faciendi &*
 “*consecrandi Episcopos Sacerdotes seu Diaconos, aliquid-*
 “*piam continere Verbo Dei contrarium, Excommunicetur*
 “*ipso facto, neq; prius restauretur quàm resipuerit & tam*
 “*improbos errores suos publicè revocaverit.* Tantæ ani-
 mis *Hierarchicis* iræ! Sed detur aliquantulum hisce
 Formulis ne minimam irrepsisse mendam. Undè hu-
 jus fides ad salutem, & cum Opt. Deo amicitiam ita
 necessaria supramodum est existimanda? Aut quid rei
 est, quod erroribus à Deo condonatis, nulla sit
 exoranda à *Prælatibus Anglicanis* venia? Neq; le-
 vior quolibet quàm *Excommunicationis* censura. Quàm
 vellemus ut à *Romanensibus* ipsis mitioribus, erudiendos
 paululum se sustinerent magni viri! Tres numero Or-
 dines esse, *Episcoporum*, *Sacerdotum* & *Diaconorum*, haud
 unanimes isti statuunt: nec ob negandum, (quod nostri
 non

non morantur *Praelati*,) tradendos *Satanæ* homuncio-
nes clamant. O minime conformem (qui venerabundi
affurgunt *Hierarchici*,) *Hammondum* *Cl.* nostrum! O
dignum ipso facto excommunicari contrasentientem!
Quandoquidem nec scribere veritus est, probari neutiquam
posse, ante *Apostolos* & *vivis excessos*, extitisse distinctos
quoslibet *Presbyteros* *Episcopis* *Subjectos*, atq; *Ordinan-*
di potestate *Ligandi*; peccata & solvendi non usu-
ros. Nec vel *Ecclesiarum* *multarum* & *Presbyterorum*
Episcopos. Utrum formulæ *Ordinandi* ad id *Officii*
cujus nuspiam meminit *Evangelium*, haud repugnant
Evangelio? Ut & istos ipsos *Ordinandi*, qos *Concio-*
nari & quilibet *S* doctrinæ exponere, strictè vetave-
rit *Canon*. Formulæ item in quibus est præstitum *Ar-*
chiepiscopis & *Episcopis* obedientiæ *Canonica* *Juramen-*
tum? Judicent nos inter, fani quilibet pii, pilis (qo mi-
nimè hic opus est) in disputatione findendis inasue-
tissimi!

Si quævis suæ *Conformitatis* *Ministram* poenituerit,
ipsum suspendi jubet, *Excommunicari*, & de gradu de-
jici, *Canon* 38vus. At huic suffragari minimè possu-
mus, q; & *Conformitatem* rem omninò poenitendam
arbitramur; & quoslibet vel non poenitendorum poe-
nitentes, actutum *Excommunicari* dignos non clami-
temus.

Affirmantes *Ecclesiæ Anglicanæ Nonconformes*, posse
alterius *Ecclesiæ* nomen verè sibi sumere; & quorum-
libet *Subjectorum* conventus lege non admissos, veras
licitasq; esse *Ecclesias*; damnant *Canones* nonus deci-

mus

mus undecimūsq; Idq; pro eā qā sunt teneritudine, *Excommunicationem* adūsq; At hoc qā fronte agunt, non videmus. *Omnia cum fiant, Thaida Thais olet.* Ipsam *Romam* adulteram, veram esse Ecclesiam, licet è corruptissimis, qot numero Scriptores contendunt? & qī (qāsumus) *Christiani, Muscovitas, Græcos, Abassinos, Coptas, Jacobitas, Nestorianos, Armeni- nōsq;* inter *Veras Ecclesias* haud numerant? Famæ is suæ consuluerit pessimè, quicunq; *Separatistas Anglicanos* utrisve posthabiturum se fassus erit. Collectam citra Magistratūs supremi voluntatem, *Ecclesiam* veram esse non posse, vel duo vel nemo certè somnia- verit. Itā collecti sunt, jure illibato, *Orthodoxi* per multas centurias *Christicolæ*: & cum, injuriā impendiō improbandā, posteri se in eundem modum congregassent, haud planè nullæ audiebant istorum *Ecclesiarū*. Qod quidem optimè *Romanæ, Græcisq;* item *Ecclesiis* cessit optimè. Sed heu plena mendaciorum omnia! Falsò *Separatistæ Hierarchicos*, falsò *Hierarchici Separatistas* Veris Ecclesiis exutum eunt.

Ecclesiæ Canon 57mo insuavis eadem est indoles. Nos hic minimè patitur aut ad *S. Baptismum* aut *S. Cenam* admittere nobis famelicè advenientes, qī prorsus *ligneos* fugitant *Ministros*, & *Verbum Divini Fæderis* nunquam *Prædicaturos*. O *Natum scopulis Canonem*! Certè *Canonicam* servitutem servire haud parati sumus *Nonconformes*, qos miseret animarum ad *Leones*, dixerimus, seu *mutos Canes* & in *Cæno volutantes* sæpenumerò damnatarum. *Ex Auditū Fides*

nascitur; nec absq; Præcone verbi Auditus datur: Et tamen intra limites Parochiales eo Præconi carentes subsidendum est perituris? aut si, non id ferentes, in viciniam iverint mendicatum, hospitio rerum sacrarum prohibendi sunt? & mox (quæ Canonis est mollitia,) Satanae quam solenniter tradendi. Qis hic se tenuerit ferreus? sed Cynthus aurem.

Qibus pro tunica molesta est *Superpellicium*, seu *Ministris* indui Præcepta Vestis Linea, excludit S. Ministerio omnes *Ecclesiasticum*, quod obtinet, *regimen*. Sed gravissimo, nisi fallimur, contra Libertatem Christianam peccato. Et vel maxime, quia & adversus *Legem Charitatis*; & sub grandiori quam æquum est *pœnâ*, hujusce Vestis præcipitur usus. Usus, *Pseudocatholicis Romanensibus* valde *gratissimus*; primis autem & purissimis *Ecclesiis* omnino inauditus, atq; spectatissimis plurimis ævi nostri Fidelibus hand mediocri scandalo factus. Qui de isto *favementisculum* cogitant, Canonem mandaturum, in benos innumeros armatum, levius nihil abominantur; atq; cum cæteris *Papismi* insignibus, *superpelliceum* in profundum maris demersum optant.

Sequitur Canon 58vus, quo cautum est ne quis Minister non incunctanter Baptizet liberos quoscunq; five *Dominicis* five *Festis* diebus in Templum ob Baptisma recipiendum adductos. *Hierarchicos* effectum ardere *Pædobaptismum*, nil displicer. At ad ipsum omnes quorumcunq; Infantes, non modo *admittere* sed & *cogere*, piaculum putamus. Utpotè quod

god loquitur ³Parentes Ecclesiæ communione indignos, posse Liberis in communionem aditum vel *Jure Divino* patefacere; qd falsius nihil. In enarrando contemptu *S. Baptismi* hinc aborto, verbis non opus est; sat sonore per *Angliam* hanc nostram res ipsa loquitur.

Nec Ministro aut Ministris licet *Jejunia Sacra* aut *indicere* aut *celebrare* sive propalam, seu sub lare privato, vel aliquibus celebraturis interesse, nisi *Publica Autoritas* indixerit, aut *Episcopi Licentia* & Directio, signo & sigillo adornata, antè fuerint comparata. Ecquid est in *J. Christi* Ministros prælicenter dominari, si hoccine mandatum à *Canone* 27mo profectum æqi boniq; sit consulendum? *Cornelium*, non olim *Judei*, canone simili, à *Jejunando* restrinxerunt. Nec restringi debere Patrefamilias aliquempiam, censebunt capita non ferociter lascivientia. Misereatur & succurrat perituris paræcianis, *benignior animarum Episcopus!* Triobolares etenim habendi sunt Ministri, nec vel hujus æstimandi, qorum ne præstantissimo indulta sit tutò hæc *Jejunandi* copia. Quid si ex improvîso Fideli cupiam suborta sit *Tentatio* non cotidiana, *Reatus* quis ingens, *Periculum* è non minimis, & similia centena? *Aratro Vulpes* æqè apta est, ac Minister hic *Sacris Precibus* & *Jejunio*, anteqam ad *Orbis sui Papam* itum est. Dicto igitur Fideli, certè in pessimo loco res steterint sitæ. *Hierachicis* proſit nostris *hujus cursuræ Ministerium*; nos abs eo multum metuimus!

Non impediende malâ valetudine aut re qâdam

urgentissimâ, tenetur è *Conformibus* unusquisq; perenniter de die in diem *Officia* lectum *Liturgica*, cum *Matutina* tum *Vespertina*. Qod quidem pensi Ministris, nunquam non negotiis urgentibus districtis, non optimè convenire videtur. Neq; fando nos excipimus, *Conformem* è *millibus unum*, susceptum id ac promissum præstare. Stipites autem effemus, nisi à *Fœderibus* istiusmodi *pangendis* atq; *colludendis*, aliena tanta deterreret *Perfidia*.

Astringitur quilibet *Minister*, *Parochiales*, cujuscunq; furfuris omnes, vel invitissimos, ad *Mensam Sacram* vi & armis *Canonicis* adigere. Atq; intractabiles unusquisq; *Excommunicatum* ire & *depilatum* miserè. Tali autem auxilio, & defensionibus istis *nil Evangelicis*, eget res religiosa? *Credat apella!* Volones solos conscribit *B. Servator*, & ad id *Epulum fœderale* vocat. Qorsum effera ergo & impotens famulis placet *Coactio*? Qorsum vis improba in *Sacrilegium*, *Hypocrisin*, *Profanitatem* & *animæ Exitium* plurimos impulsura? Multos, sibi malè conscios, in *terrorum tartara nigerrima*; omnem necnon *Ecclesiam in Chaos detestandum* confutura. Nimirum eâdem *Infidelium Catechumenorum*, & *Fidelium*, ratione turpiter habitâ. Atq; hinc crebræ *Fidelium infirmorum*, de *Ecclesiâ* in mediâ *Ecclesiâ* incassum quærendâ, stridulæ passim querelæ! Hinc sopiendi nunquam accenduntur ignes, sed *itum est in ultimam Separationis Thulen*, unam cultûs purioris sedem!

Dicat autem, *tantus Apollo* si quis fuerit, qo quidem modo

modo prodesse coetibus aliquando hoc turcicae coactionis, spes sit? Aut quem unum ubivis, in mentem faniolem restituisse, id *Hellebori*, sumptuosa docuerit Experientia? Deniq; *Prælaturæ* igitur *Diocesanæ* qota pars laudis est, tam cruentum canere classicum? *O Deusq; Patérq; Domini Jesu Christi, miserere Populi Anglicani*; non digna quidem facientis, sed neq; abs *Hierarchiæ* nostræ ferentis! *Sanctificetur, Cælestis Pater, Nomen tuum, adveniat Regnum tuum, fiat tua, ut in Cælis sic in Terris nostris Voluntas!*

Hæc est votorum summa *Nonconformibus*; q; summam jam dictorum causâ, *totum diem occidimur*. Sexcenta sunt equidem quæ missa fecimus gravamina; his *leviora* equidem, sed nec admodum tamen *levidensia*. Neq; perpauca sunt, quæ his *interplicata* memoratis, vel *quasi memorata* patefient. Quod si in *Iliade* quam nucellâ inclusam dedimus; in impositis tot numero *Juramentis, Subscriptionibus, & Declarationibus*, vel unum quid illicitum adhæserit, *Sanctimoniæ* non *Insaniæ* debenda est *Nonconformitas* nostra. Quandoquidem de *Postulatis suis* remissu quicquam unum, haud patiuntur explorati sat, plerumq; *Hierarchici*.

Quapropter vos, in *Jesu Christo* *Commilitones*, ad quos literis hisce provocamus, *dicite*, obtestamur ardentissimi; *Noveritq; Catholica quæ Sol lucet Ecclesia*, quid est quod in causâ (quæ *Evangelium* vehit, & res *Evangelii*.) nostrâ, cordati sentitis. Antedicta ad unum omnia, *res nihili* censetis, ô Boni! & *Adiaphora*, jure merito, nuncupanda.

Hæccine

Hæccine vos *Adiaphora* probare posse satis fortiter, opinamini? aut *vivorum & mortuorum*, præ foribus, *Judicem*, ista pro *Adiaphoris* modò habiturum, fides vestra est?

Adiaphora hæc vobismet obtrusa, confestim vos bajulare, nec potius & *carceres & exilia & vel cruces* ferre adparati estis?

Novissimè, *Fratres*, & quàm maximè prolatu expectimus grande hoc, atq; agitativissimum *intra muros & extra*. sc. *Cujus quidem Consilii Autores Vos eritis*; aut ut pergat *laceratura* nos *Hierarchia*, aut *receptui canat*; id unum (quod *Nonconformes* *ὁμολογητῶν* poscimus) datura; ut eadem sit *in Militantem atq; Triumphantem Ecclesiam data porta*! Ut idem sit ipsissimum & *Conformem esse & Christianum*; cultû in *Necessariis* Unitate, in *Nonnecessariis* Libertate, in *Utrisque* Charitate. Quo pacto, terras *Astrææ* reviserit nostras, & quò nihil optabilius, *mutua Fratrum Concordia*, supra quò dici potest *Ecclesiæ*, neq; quid minùs *Reipublicæ* irrigua! Quòd si id nescius cedendi typhus abnegaverit, gratulabitur, cum *Principe Tenebrarum* deterrimo, *Mundus in maligno positus*. Et, per sæcula, lachrymis prosequendum & suspiriis veriverbium erit. “*Sævis inter se convenit*”
“*Ursis, Christianis vel Reformatis non convenit*!”

Valete *Fratres*, nec recusate *Monitisq; Precibusq; Hierosolymæ* nostræ pàcem promoverè.

Utcunq; *Adversarios* nostros transversum rapuerit *calumniandi impetus*, de nobis haud aliter sentire vos quæsumus, quàm ex *antedictis* sentiendum esse constiterit; atq;

atq; ex *olim dicebatis*; siquidem de quibuscumque in *Appellatione* hac præteritis, fieri certos res postulaverit. Deniq; exorandi estis, ut obsurdescatis planè mendaciloquis, garrientibus nos *regimini Ecclesiastico omni primævo adversari*; *Formulas daminare omnigenas*; ipsius *Dominicæ Orationis usum sùsq; deq; habere*; & *insanias* consimiles sexcentas *insanire*, à quibus per Dei gratiam, Longifumè absumus.

Cæterum Deus Pacis, qui reduxit à mortuis *Jesum omnium Dominum*, magnum illum *Ovium Pastorem*, per sanguinem *Fœderis Æterni Vos nobis charissimos, Nos vestri studiosos, & Hierarchistas utrisq; nostrum insensos, (Fratres tamen habendos,)* perficiat in bono opere unoquoque, ad voluntatem ipsius præstandum; in omnibus ac singulis efficiens quod acceptum est in conspectu suo per *Jesum Christum*; cui gloria esto in sæcula sæculorum. Amen.

F I N I S.
